



САМАРАДОРЛИГИ ЮҚОРИ ЛОЙИҲАЛАР НАВОИЙ ВИЛОЯТИ ИҚТИСОДИЁТИНИНГ ТАЯНЧИГА АЙЛАНМОҚДА

Ўзбекистон Республикаси Президенти Шавкат Мирзиёев 31 октябрь куни Навоий вилоятига ташриф буюрди.

Бу ҳудуд ривожланган индустрияси билан мамлакатимиз иқтисодиётида катта ўрин тутаяди. Иқтисодий ва инвестициявий имкониятлар туфайли сўнгги йилларда янги корхоналар кўпайиб бормоқда.

Давлатимиз раҳбари дастлаб Навоий шаҳридаги "Uzbekistan hydrogen peroxide" қўшма корхонаси фаолияти билан танишди.

Вилоятдаги корхоналарга водород пероксиди доим зарур. Умуман, юртимиз саноят тармоқларида бу кимёвий бирикмага йиллик талаб ўртача 15 минг тоннадан зиёд. Жорий йилда ўз фаолиятини бошлаган "Uzbekistan hydrogen peroxide" қўшма корхонасида шундай талабгир маҳсулот ишлаб чиқарилади.

Қиймати қарийб 30 миллион доллар бўлган лойиҳа доирасида завод қурилиб, Хитой, Ҳиндистон, Туркия, Германия, Италия ва Швециядан замонавий ускуналар келтирилиб ўрнатилди. 80 га яқин киши иш билан таъминланди. Корхона йилга 30 минг тонна водород пероксиди ишлаб чиқариш қувватига эга.

Бу бирикмадан кимё, металлургия, электр техникаси, фармацевтика, тўқимачилик, озиқ-овқат, қишлоқ хўжалиги каби ўнга яқин тармоқда фойдаланилади. Жумладан, қоғоз, маиший ва кимёвий воситалар ишлаб чиқариш, уран ва кобальт маҳсулотлари қазиб олишда фол қўлланади. Қадокларни тозаловчи, сунъий ва синтетик тоналари оқартирувчи восита сифатида ишлатилади.

Асосийси, иқтисодий самарадорлик юқори. Бу ерда табиий газ чуқур қайта ишланиб, бозорбоп маҳсулотга айлантирилади. Мисол учун, 60 физил водород пероксиди тиббиётда уч баробар, маиший кимё воситаларида икки баробар қўшилган қиймат яратаяди.

Корхона лабораториясига ҳам энг сўнгги русумдаги жиҳозлар ўрнатилган. Унда ҳар соатда таҳлил ўтказилади. Бу маҳсулот сифатини доимий назорат қилишда муҳим аҳамият касб этади.

Давлатимиз раҳбари корхонадаги иш жараёнини кўздан кечирди, мутахассислар билан суҳбатлашди.

– Ҳар бир лойиҳадан мақсад – юқори даромад, қўшилган қиймат. Бу корхона шу жиҳатдан маъқул. Энди ишлаб чиқариш барқарорлиги, харидорлар ишончи учун бунини кафолатланган хомашё билан таъминлаш керак. Маҳаллийлаштириш дастури асосида қулай шартларда кредит ажратилиш ҳам мумкин, – деди Шавкат Мирзиёев.

Мутасаддиларга бу корхона мисолида шундай лойиҳаларни кўпайтириш, тадбиркорларни қўллаб-қувватлаш бўйича топшириқлар берилди.

Водород пероксиди шу пайтгача Ўзбекистонга катта харажатлар билан фақат чет элдан олиб келинар эди. Энди эса маҳаллий маҳсулот ички эҳтиёжни тўлиқ қоплаб, импорти ўрнини тўлдиради. Шу билан бирга, яқин минтақада бундай корхона йўқ. Шу боис маҳсулот МДҲ ва Европа мамлакатларига ҳам етказиб берилмоқда. Қисқа вақтда қарийб 1,5 миллион долларлик экспорт қилинган. Корхонанинг йиллик экспорт салоҳияти 10 миллион доллар.

Бу суюқ кимёвий маҳсулотларни сақлаш ва етказиб бериш учун шу ернинг ўзига пластик қуйма идишлар тайёрлаш йўлга қўйилган. Корхонани муқоабил энергия билан таъминлаш мақсадида қувват 27 киловатт бўлган қуёш панеллари ўрнатилган.

Яна бир эътиборли жиҳати, илгари мамлакатимиз кимё соҳасида хусусий сектор бўлмаган. Бу корхона сўнгги йилларда соҳага кириб келган тадбиркорлик субъектларидан бири.

Шу ерда корхона фаолиятини янада кенгайтиришга қаратилган лойиҳалар ҳақида ҳам маълумот берилди.



Суратлар president.uz сайтидан олинди.



Суратлар president.uz сайтидан олинди.

Энди бу соҳада ҳам импортига рақобатдош ўз маҳсулотларимиз ва хизмат кўрсатиш пайдо бўлмоқда. Жорий йилнинг тўққиз ойида юздан ортиқ корхонанинг чанг-газ тозалаш ускуналари янгиланди.

Бундай ишларда мазкур корхонанинг ҳам ўрни бор. Ишлаб чиқариш ҳажми йилдан-йилга ортмоқда. Маҳсулотлар маҳаллийлаштирилиши натижасида сифатни йўқотмаган ҳолда таннаҳрни туширишга эришилмоқда.

Корхона маҳсулотлари Россия, Қозғоғистон, Тожикистон ва Озарбайжонга ҳам жўнатилмоқда. Жорий йил якуни бўйича экспорт ҳажми 1 миллион долларга етиши кутилмоқда. Келгусида бу географияни ва миқдорни ошириш мақсад қилинган.

Шу ерда Навоий вилоятининг саноят маҳсулотлари кўздан кечирилди. Жумладан, оғир ва енгил саноят учун деталлар, ускуналар, компрессорлар, электротехника жиҳозлари, мис ва пластик қувурлар, насос қисмлари намойиш этилди. Уларни бирлаштирувчи жиҳат – маҳаллийлаштирилгани.

Президент мамлакатимизда гидроэнергетикани янада ривожлантириш мақсад қилинганини таъкидлаб, кичик ва микроГЭСлар қуриш ҳамда уларнинг компонентларини ишлаб чиқаришда маҳаллий корхоналар иштирокини кенгайтириш бўйича топшириқ берди. Навоий кон-металлургия комбинати каби йирик корхоналар учун маҳаллийлаштириш лойиҳаларини қучайтириш орқали вилоятда ишсизликни камайтириш мумкинлиги кўрсатиб ўтилди.

Сўнг давлатимиз раҳбари Навоий вилоятда режалаштирилган янги инвестиция лойиҳалари тақдими билан танишди.

Кейинги етти йилда вилоятга 3 миллиард 500 миллион доллардан ортиқ инвестициялар жалб этилган. Уларнинг натижасида 64 минг 700 та иш ўрни ва йилга 1 миллиард 200 миллион долларлик экспорт имконияти яратилган. Бу йил 2 миллиард 100 миллион долларлик 577 та лойиҳа амалга оширилмоқда.

Бу ишлар изчил давом эттирилиб, хорижий инвестор ва маҳаллий тадбиркорлар томонидан умумий қиймати 26 миллиард 800 миллион долларлик юздан ортиқ стратегик ва йирик лойиҳа шакллантирилган.

Президентимизга уларнинг 12 таси тақдимот қилинди.

Лойиҳаларга АҚШ, Франция, Германия, Австрия, Россия, Бирлашган Араб Амириклари, Қатар, Хитой, Япония, Корея, Туркия каби мамлакатлар компаниялари инвестиция киритмоқда. Бу ташаббуслар кимё, энергетика, тоғ-кон, электротехника, тиббиёт, қурилиш индустрияси, текстиль ва тўқимачилик каби тармоқларни қамраб олган.

Масалан, Хитой билан ҳамкорликда Кармана туманида юқори қўшилган қийматли маҳсулотлар тайёрлайдиган лойиҳалар амалга оширилди. Кимё ҳамда қурилиш материаллари ахтисослашган саноят паркинни ташкил этиш, шамол генераторлари учун парралар ишлаб чиқариш корхонаси шулар сирасига киради.

Шу туманда Россия билан яна бир инвестицион ташаббус – озиқ-овқат санояти учун алюмин қадоклар ясаш йўлга қўйилди. Туркия билан ҳамкорликда Конимех туманида йилга 370 минг тонна фосфорит қазиб олиш, қайта ишлаш ҳамда фосфор кислотаси ва минерал ўғитлар ишлаб чиқариш ташкил этилади. Австрия билан эса Навоий шаҳрида йилга 170 минг тонна цинанг натрий тузлари ва каустик сода олиш лойиҳаси режалаштирилган.

ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

Мутахассислар "Архитекторы.рф" дастури асосида малака оширишди

Янги Тошкент шаҳрини барпо этиш дирекцияси бош мутахассиси Дилшод Шоназаров ҳамда етакчи мутахассис Захро Тўхтаева Россия Федерациясида ташкил этилган "Архитекторы.рф" дастури асосида малака ошириб қайтишди.

Мазкур дастур Россия архитекторларининг профессионал ривожланишини мақсад қилган қўшимча таълим саналади. У архитектура соҳасида замонавий билим ва



қўникмаларни ошириш, инновацион ёндашув ҳамда тажрибаларни ўрганиш имконини беради. Дастурда турли модуллар, жумладан, база, онлайн ва халқаро стажировкалар мавжуд бўлиб, улар архитекторларнинг малакасини оширишга қаратилган.



Жараёнда иштирок этган архитекторлар замонавий ёндашув ва технологияларни ўрганиб, амалий тажриба ортирдилар. Бу таълим келгусида улар учун янги ғоя ҳамда инновацияларни жорий қилиш имкониятини яратди.

Навбатдаги қабулда 20 дан зиёд муаммо ҳал этилди

Тошкент шаҳар Қурилиш бош бошқармасида ҳафтанинг ҳар сешанба ва чоршанба кунлари фуқаролар қабулини ташкил этиш йўлга қўйилган бўлиб, навбатдаги қабулга 20 дан зиёд фуқаро ўз муаммоларига ечим топаш мақсадида келишди.



Асосан қурилиш юзасидан қўшнилар билан келишмовчиликлар, объектнинг хусусийлаштириш ва лойиҳалаш жараёнида учраётган камчиликлар бўйича мурожаатлар тингланди.

Қабул давомида келиб тушган бу каби мурожаатларга туман қурилиш бўлими мутахассислари томонидан ҳуқуқий тушунчалар берилди ҳамда айрим масалалар бўйича фуқаролар тегишли ташкилотларга йўналтирилди.

